

Autor Gerald Franca a presenta su buki “Penchi e conenchi cu su skeiro di djente”



ORANJESTAD - Recientemente e autor Autor Gerald Franca a presenta na Minister di Enseñansa su buki nobo. Sr. Franca ta contento di por a skirbi un otro buki, den un esfuerso pa promove mas lesamento y conocimiento.

E concepto di e buki ta bay un tiki bek den añanan '60 y ta papia

con e muchanan ta biba e tempo ey. Den caso di e buki esaki ta bay over di Penchi cu no ta skeiro djente tur ora y te ora cu e mama a cuminsa controla. Pero e conenchi no tabata haci caso y el a cuminsa keha di dolornan di djente, te ora cu e mama a hib'e dentista. Aki dentista a trata Penchi su djente y despues a spli-ca e conenchi pakico e mester cuida

su djentenan y asina Penchi a cuminsa stimula otro muchanan pa haci mescos.

E titulo di e buki nobo di sr. Franca ta Penchi, e conenchi cu su skeiro di djente. E idea di e buki a bin pa yiu muhe di sr. Franca, kende a bin cu e storia. Sr. Franca a yega di skirbi mas buki y e biaha aki el a skir-

bi e buki pero cu e condicion cu e yiu muhe lo termina esaki.

“E realidad di e buki a sali na mi satisfaccion den e forma con el a wordo skirbi y imprimi”, asina sr. Franca a expresa.

Gerald Franca a guia su yiu muhe den e proceso di e buki, di cual a ricibi hopi atencion.

